

Ferus ante hunc gentis cultus, sine moribus, sine lege, sine civili consuetudine, obscuri inter Scythas hominis, finitimis vectigalis de re pecuaria, quam exercebat. Ab hoc Changio ceterorum Principum origo est. Propagavit hic Imperium incredibili celeritate, a Synarum regione & Oceano usque ad Caspium mare. Huius Filius fuit *locucham*, qui genuit *Zaincham* tertium Imperatorem, qui ab alijs *Bathi* nominatur. Hic devastavit Russiam, Poloniam, Silesiam, Moraviam, & Hungariam. Quartus ex *Bathi* genitus fuit *Temir Cutlu*, qui est *Tamberlanes*, in Historijs ob summam tyrannidem notus, qui totam Asiam vastavit, ac usque ad Aegyptum penetravit. Hic Imperatorem Turcarum Bajatzerum vicit & captum aureis compedibus vinctum in cavea per Asiam adduxit. Quintus Imperator ex *Temir Cutlu* progenitus fuit *Temir Gzar*, qui adversus Cruciferos Prussiae fortiter pugnans ferro occubuisse dicitur. Sextus Imp. ex *Temir Gzar* genitus fuit *Macmet Gzar*. Huius filius *Armet Gzar* VII Imp. Hic genuit *Sziachmet* VIII Imperatorem. Dividitur autem Tartaria in plures partes. *Minorem* quae Europam spectat, & inter Borysthenem & Tanaim conclusa, complectitur Tauricam Chersonesum, quam obtinent Praecopenses. De hac in Europa diximus. *Tartariam desertam*, in qua multae hordae: *Zagatar*, quae Scythia est intra Jmaum: *Cataio* cum regno *Tangut*, quae antiquorum est Scythia extra Jmaum, & Serica regio: ac denique *Antiquam Tartariam*, Ptolemaeo incognitam. Metropolis regni est *Cambalu* ad ripam fl. *Polisangi*, cuius spatium est XXI V mill. Italicorum. Portae sunt XII. extra quas toridem Suburbia. Emporium istud Gemmarum, Auri, Argenti, Serici est opulentissimum. Ferunt singulis diebus mille currus Serico onustos ex China huc advehi, praeter alias Merces. Sunt praeterea urbes multae insignes. *Samarcauda* a *Tamberlane* condita: *Caindo*, Urbs mercatu celebris, in extrema Tartaria, & aliae multae, quas brevitatis studio praetereo. Lacus in Tartaria plurimi, quos longum esset enumerare, aliquot tamen insigniores recensebimus. In Provincia *Caniclu* Lacus est in quo tanta margaritarum copia, ut pretium earum omnino vilesceret, si unicuique quantum liberet asportare permitteretur. Quare sub capitis poena cautum est, ne quis in hoc Lacu piscari Margaritas absque permisso magni Chami audeat. Scater etiam idem Lacus piscibus. Est & alius in Provincia *Caraim* valde piscosus, centum in ambitu complectens milliaria & alij. Fluminibus rigatur non paucis, inter quae fluvius magnus *Pulisachmis* nomine. Hic in Oceanum sese exonerat, perque cum naves multae plurimis Mercibus onustae ascendunt. *Caromoram*, qui ob nimiam latitudinem & altitudinem nullum habet pontem: evolvitur vero in Oceanum: *Quiantu*, habens latitudinem dimidij milliatis, estque admodum profundus & piscosus: *Quiam*, quo maior (Paullo Veneto scribente) in Orbe non putatur. Nam latitudo ejus quibusdam locis x. milliarium, alijs VI I & in quibusdam VI. Longitudo vero ejus patet itinere centum dierum. Reliqua praetereo: ad structuras & Opera publica transiens. Hic occurrunt multa singulatia, cum primis maximum ac pulcherrimum Palatium ex Marmore constans, & Auro exornatum: a Chamo Cublai in Civitate Ciandu conditum. Est & aliud in civitate *Cambalu*, miro

Urbes.

Flumina.

Opera publica.